

四庫全書

史部

欽定四庫全書卷

政和五禮新儀卷一百八十六

嘉禮

庶人庶子冠儀

告禰

行事

告禰

將冠主人諏日擇賓告于禰為位於廳事南面主人北

面再拜乃告曰某子某年若干矣卜以某甲子冠吉乃
速賓其以始卒冠事庶幾臨之謹告

凡廳事如非南面
並各因所向陳設

後准
此

行事

前期主人戒賓曰某日將加冠于子某首願吾子泣之
賓許諾其日夙興張帷為房于廳事之東陳服其中

謂
每

加所易
之服

東領北上席一在南酒饌在服北帽一折上巾

一各一箱陳于西階之西為賓主位如常儀設冠者席

於房戶外之西南面將冠者待於房中賓至主人出迎
肅而入坐定冠者出自房執事者曰請行事主人曰敢
勞吾子賓揖將冠者即席坐執帽者升賓降受之進冠
者席前跪加帽興復位賓揖冠者適房服出房南面立
賓主俱興執事者以酒注于醴賓受醴進席前北面立
祝曰涓吉戒賓初加首服旨酒嘉薦用綏爾服飭行謹
身毋俾作慝冠者再拜受爵賓北面答拜執事者薦饌
冠者即座坐食飲訖執徹者徹酒饌于房中賓跪脫帽

執折上巾者升賓降受之進冠席前跪加折上巾興復
位賓揖冠者適房服出房南面立賓主俱興執事者以
酒注于醴賓受醴進席前北向立祝曰旨酒既清嘉薦
亶時乃申爾服成爾令儀綏受多福永言保之冠者再
拜受爵賓北面答拜執事者薦饌冠者即席坐飲食訖
執事者徹酒饌于房中冠者興離席立于東階之西南
向賓少進字之曰容服既莊禮儀有序茂爾成德爰告
爾字鐸言禮嘉尚克是似冠者拜賓答拜冠者廟見如

常儀拜父父為起拜母母為起拜諸父羣從之尊者主

人享賓出主人送于門外

孤子冠即諸父諸兄為主如
上儀戒賓若主人有故聽以

函書

政和五禮新儀卷一百八十六

欽定四庫全書

政和五禮新儀卷一百八十七

嘉禮

冊皇后儀一

奏告

陳設

臨軒發冊

皇后受冊

皇后表謝

皇后受內外命婦賀

皇后會外命婦

皇帝受羣臣賀

羣臣上禮

皇帝會羣臣

皇后朝謁景靈宮

奏告

前期太史局擇日差官奏告昊天上帝皇地祇太廟太
稷太社景靈東宮景靈西宮中太乙宮祐神觀醴泉觀
上清儲祥宮太清儲慶宮九成宮永安陵永昌陵永熙
陵永定陵永昭陵永厚陵永裕陵永泰陵並如常告之
儀

陳設

前期殿中監帥其屬尚舍張設垂拱文德殿門之內設
御座於文德殿當中南向東西房於御座之左右稍北

東西閣位殿後之左右殿上前楹施簾設香案於殿下
螭陛間大晟展宮架之樂於殿庭橫街之南協律郎舉
麾位於宮架西北東向大司樂押樂位於宮架之北北
向儀鸞司設文武百僚及應行事次於朝堂之內外又
設冊寶幄次二於殿後東廂俱南向

前一日尚書二
部奉冊宣進入

日尚輦於殿西階下東西列御馬於殿門外東廂西向
尚書兵部帥其屬列黃麾細仗於殿庭典儀設冊使副
受制位橫街南北向東上又設左輔承制位於御座之

東又設左輔宣制位於冊使位東北並西向又設門下
侍郎奉節位及左輔右弼奉冊寶位冊使副東北西向
又設權置冊寶褥位二於橫街南向黃道東稍北西向
冊在北寶在南又於冊使受制位稍北設褥位一以俟
冊使受冊副使受寶應行事官位於近北西向又設
典儀位於宮絮東北贊者二人在南少退俱西向

臨軒發冊

其日質明闢文德殿門文武百僚及應行事官入就次

服朝服大樂正帥樂工先入就位協律郎入就舉麾位
大司樂入就押樂位典儀帥贊者先入就位管勾內臣
承旨降冊寶出垂拱殿門禮部職掌以次奉舉至文德
殿後幄次以俟禮直官引冊使副入立於文德殿門外
道東西向門下侍郎帥掌節者奉節立於左嘉福門內
道北皇帝將出宮東上閣門引知樞密院事以下詣垂
拱殿立班如常儀東上閣門附內侍進班齊牌垂拱殿
簾降皇帝乘輦出至殿上少駐輦官迎駕自贊常起居

宣輦官上殿簾捲鳴鞭行門禁衛諸班親從迎駕自贊
常起居次舍人先贊知內侍省事以下常起居次樞密
院以下通班常起居贊祇候引駕樞密知客省事以下
至簽書東上閣門官分左右立六尚局應奉官祇應武
功大夫以下並先退管軍臣僚窄衣執仗子宣名常起
居贊祇候引駕並分左右前導輦降東階垂拱殿門外
禁衛諸班親從自贊常起居訖至文德殿後管軍臣僚
易公服執仗子殿階下分東西侍立皇帝降輦入西閣

前導官朝服詣御座前分左右立知樞密院事簽書知
樞密院知客省事以下至簽書東上閣門官在東同知
樞密院在西閣門舍人以下各詣兩朶殿上不當祇候
舍人並殿下西向立諸軍將校先入分立殿門內左
右內外符寶郎俱詣閣奉迎御史臺引殿中侍御史一
員先入就位次東上閣門御史臺太常寺四方館分引
三公以下文武百僚入詣文德殿庭立班東西相向如
月朔視朝之儀

未升朝官應立班者文臣承郎以上位
於通直郎之東西向武臣承信郎以上

位於修武郎之西東向禮直官引左輔右弼門下侍郎
每等重行異位俱北上中書侍郎及捧冊寶官等並詣文德殿後幄次前立少
頃奉冊寶出幄次捧冊寶帥執事人捧舉以行禮直官
通事舍人太常博士前引中書侍郎押冊右弼後從門
下侍郎押寶左輔後從援衛如儀由東上閣門出至文德
殿庭權置訖禮直官通事舍人引左輔版奏中嚴內外
符寶郎奉寶先出少頃又引左輔版奏外辦皇帝服通
天冠絳紗袍簾捲大樂正令撞黃鍾之鍾右五鍾皆應

殿上鳴鞭禁衛諸班親從自贊常起居皇帝出閣乘輦

協律郎跪俛伏舉麾興工鼓柷奏乾安之樂

凡樂皆協律郎舉麾

工鼓祝而後作偃麾憂敬而後止

禮直官太常博士引禮儀使前導皇

帝出自西房內侍承旨索扇扇合皇帝降輦即御座簾

捲內侍又贊扇扇開殿下鳴鞭憂敬樂止爐煙升禮直

官太常博士禮儀使立於御座前稍東西向符寶郎奉

八寶陳於御座之左右分立如儀禮直官通事舍人太

常博士引冊使副入就位冊使副初入門正安之樂作

至位樂止立定典儀曰再拜贊者承傳在位官皆再拜
左輔詣御座前承旨降自東階詣冊使前東北西向稱
有制典儀曰再拜贊者承傳冊使以下應在位官皆再
拜左輔宣制曰冊某氏為皇后命公等持節展禮宣制
訖冊使副再拜左輔升復位門下侍郎帥將節者脫節
衣詣冊使所掌節者以節授門下侍郎掌節者退門下
侍郎西向以節授冊使冊使跪受以授掌節者立於冊
使之左門下侍郎退次引冊使詣受冊位立定又引右

弼詣冊使前東北西向立中書侍郎引冊案立於右弼

之右右弼跪取冊以授冊使冊使跪受訖興置於案

舉案

者退立於後

冊使右弼中書侍郎俱退復本班次引副使詣

受寶褥位立定又引左輔詣副使前東北西向立門下

侍郎引寶案立於左輔之左左輔跪取寶以授副使副

使跪受訖興置於案

舉案者退立於後

副使左輔門下侍郎俱

退復本班典儀曰再拜贊者承傳冊使副使以下應在

位官皆再拜訖禮直官通事舍人太常博士引冊使押

冊副使押寶持節者前導正安之樂作捧冊寶官捧舉由中道出文德殿東偏門樂止掌節者加節衣由端禮門右長慶門右嘉肅門右銀臺門右承天門至穆清殿門外帷次權置冊寶訖冊使從之歸次初冊寶出文德殿門禮直官太常博士引禮儀使進當御座前俛伏跪奏禮儀使具官臣某言禮畢俛伏興復位內侍承旨索扇扇合簾降鳴鞭大樂正令撞蕤賓之鍾左五鍾應之協律郎跪俛伏舉麾興工鼓祝奏乾安之樂皇帝降座乘

輦入自東房內使又贊扇扇開憂敵樂止禮直官通事
舍人引左輔版奏解嚴所司承旨放仗應在位官俱再
拜訖以次出

政和五禮新儀卷一百八十七

欽定四庫全書

政和五禮新儀卷一百八十八

嘉禮

冊皇后儀二

皇后受冊

前一日有司於穆清殿設皇后座於中間南向又設皇后東西房於座之左右稍北又設東西閣於殿後之左右又設皇后受冊位於殿庭階間北向又設寶位四其

二在殿東階之東西向其二在殿西階之西東向又設
內命婦妃嬪以下次於庭之左右司樂展宮架之樂於
殿庭設麾於殿上西階之西東向又於殿門外設冊寶
幄次二量地之宜又設行事官及外命婦次於門之左
右其日兵部於穆清殿門外皇城裏角門內外設皇后
黃麾仗左右排列如儀所司設冊寶使副位於門外西
向北上內侍又於其南少退又設舉冊寶案位於使副
之前北向又設內給事位於北廂南向又設內謁者監

位於其東南西向司贊設內命婦及內官非俱奉者陪
列之位於受冊正殿之庭東廂西面重行北上又設內
命婦等朝位於殿庭道東重行北向西上又設外命婦
朝位於殿庭東道之左內近南每等重行異位北向又
設司贊位於東階東南階曲贊二人在南少退俱西向
質帥樂女工人先入就位典樂升就舉麾位司贊帥典
贊就殿庭位外命婦各就門外次皇后常服乘龍飾肩
輿肩輿謂擔子下准此至穆清後殿西閣內命婦等應陪列位各

服其服奉從至閣訖各入次以俟冊寶至殿門外幄次
應行事官並次內侍版奏皇后中嚴應行事官各就門
外位立定持節者立於冊使之左少退內外引命婦各
就陪列位內侍又版奏外辦皇后首飾褱衣司言引上

宮上宮引皇后出典樂舉麾坤安之樂作

凡樂皆典樂
舉麾上鼓祝

而後作僊麾
慶歌而後止

皇后出自西房至殿上中間南向立定樂

止禮直官通事舍人引冊使副就內給事前北向跪稱
冊使姓某副使姓某奉制授皇后脩物典冊俛伏興復

位內給事入詣皇后前北向跪奏訖俛伏興退又內侍
進詣冊使前東向跪受冊以授內謁者監冊使退復位
又副使以寶授內侍如上儀訖內謁者監及管勾內臣
等持冊寶入殿門內侍從之以次入詣殿庭置冊寶於
西階之西東向位冊寶初入門宜安之樂作至位樂止
內侍贊引皇后降自東階至庭中北向位皇后初行承
安之樂作至位樂止內侍跪取冊入內侍跪取寶進立
於皇后之右少前西向司言司寶二員進立於皇后之

左少前東向又內侍稱有制內侍贊再拜皇后再拜內侍宣冊訖內侍又贊再拜皇后再拜內侍奉冊進授皇后皇后受訖以授司寶司言司寶置冊寶於東階之東西向位皇后初受冊寶成安之樂作受訖樂止又內侍贊再拜皇后再拜表謝如別儀冊使副退詣文德殿庭橫街南道東北向西上交中書令立於冊使東北西向冊使等再拜復命曰奉制授皇后備物典冊禮畢又再拜中書令奉文冊使等退

皇后表謝

皇后受冊畢內侍贊再拜皇后再拜內侍以謝表授皇后內侍以案少前皇后置表案上內侍贊再拜皇后再拜內侍奉表以聞內侍詣皇后前跪奏稱禮畢俛伏興受賀如別儀

皇后受內外命婦賀

皇后受冊表謝訖內侍跪奏禮畢司言引尚官尚官引皇后升皇后座皇后初行和安之樂作即座南向司寶

奉寶至於庭前樂止司賓引內命婦陪列位者以次進就北向位班首初行典樂舉麾惠安之樂作至位樂止司贊曰再拜典贊承傳內命婦皆再拜司賓引班首詣西階升樂作至階樂止進當皇后座前北向躬致詞稱贊降自階樂作至位樂止司贊曰再拜典贊承傳內命婦等皆再拜司舍前承令降自西階詣內命婦前西北東向稱令旨內命婦等以下皆再拜宣令旨訖司贊曰再拜典贊承傳在位者皆再拜司賓以次引內命婦還

宮班首初行樂作出門樂止內侍引外命婦出次至殿
門司寶引詣東向位班首初入門咸安之樂作至位樂
止立定司贊曰再拜典贊承傳外命婦皆再拜訖司賓
引班首進升階奏賀復位再拜樂作至位樂止及宣令
再拜等皆如內命婦之儀訖司賓引外命婦以次出班
首初行樂作出門樂止內侍詣皇后前跪奏稱禮畢俛
伏興皇后降座徵安之樂作入東房樂止歸閣泰安之
樂作至閣樂止女工人退會外命婦如別儀

皇后會外命婦

皇后受內外命婦賀禮畢皇后更常服內使承令宣外
命婦入皇后升座會外命婦並如宮中常儀會畢司賓
引外命婦降階橫行北上司贊曰再拜興贊承傳在位
者皆再拜訖以次出皇后還宮

政和五禮新儀卷一百八十八

欽定四庫全書

史部

政和五禮新儀卷一百八十九至二百六

詳校官編修_臣曹錫齡

編修_臣程嘉謨覆勘

總校官庶吉士_臣何思鈞

校對官主簿_臣汪日贊

謄錄監生_臣李大綬

欽定四庫全書

政和五禮新儀卷一百八十九

嘉禮

冊皇后儀三

皇帝受羣臣賀

其日質明文武百僚並常服早入就次皇帝將出宮讀
奏目官以下詣垂拱殿讀奏目官在殿庭之南宣贊引
班對立舍人在其南簿書官在舍人之西少絕覺察失

儀提點使臣在其南並北向

舍人以西為上簿書官以下以東為上

宣贊

舍人立班前西向東上閣門附內侍進班齊牌皇帝出宮守踏道行門禁衛諸班親從迎駕自贊常起居訖又自贊賀再拜訖皇帝服鞞袍坐鳴鞭讀奏目官以下起

居訖

讀卷目官升降自東階

班首出班致詞稱賀歸位再拜

如宣答再

又次知內侍省事以下管軍臣僚各逐班先面西立俟班到橫行北向贊起居稱賀如上儀次行門起居稱賀再拜訖俟舍人南階下直身奏班絕皇帝降座鳴鞭詣紫宸殿

後幄排立諸班親從迎駕自贊常起居初垂拱殿起居
稱賀班將畢紫宸殿樞密院以下大班入就位並如賀
祥瑞立班之儀東上閣門附內侍進班齊牌皇帝御紫
宸殿座鳴鞭舍人揖樞密以下躬赴當殿通某官以下
起居稱賀復位贊樞密以下再拜搯笏舞蹈又再拜班
首奏聖躬萬福又再拜訖班首出班致詞稱賀復位又
再拜搯笏舞蹈又再拜知東上閣門官當殿北向承旨
訖西向稱有制樞密以下再拜宣答訖又再拜搯笏舞

蹈又再拜訖鳴鞭直學士自西階升殿侍立知東上閣

門官以下殿庭東西相向侍立餘官分班出

宣贊舍人近退南當

庭中立對立舍人西出

文武百僚及諸軍將校殿門外序班立定

如東上閣門官以下退立東階下次殿中侍御史一員

先入就位次兩省次上將軍以次下分班入舍人分引

文武班入詣殿庭東西相向

將校排列不盡者正殿門外立班

舍人揖

班首以下躬宣贊舍人當殿通文武百官宰臣

三公通三公

姓名以下起居稱賀舍人揖班首以下橫行北上

兩省上將

軍以下依
舊立班

並如賀祥瑞之儀次宣贊舍人揖左班進前

舍人自班後詣東階下立知東上閣門官至通唱位舍
人揖班首以下躬知東上閣門官贊拜班首出班致詞
稱賀復位樞密詣座前承旨退詣折檻東西向宣答班
首以下再拜如上儀訖知東上閣門官揖宰相知政官
升殿並升自東階內中書侍郎升
自西階樞密院直學士下殿贊拜知東上閣門官
還位立引右班舍人由右班前出餘官分出知引進司
東上閣門官還侍立位宣贊舍人復位次引進如別儀

羣臣上禮

其日引進司先以所進陳引於殿門外北向東上俟羣臣稱禮畢宣贊對立舍人稍南相向立文武自西牽馬陳於殿庭三分庭一在南北首東上立定贊文武常起居訖牽馬者不拜門下侍郎於折檻東西向對立舍人當殿躬奏某官姓名以下進奉訖復對立位門下侍郎曰進奉出還侍立位文武應喏員僚司進奉從東側門出宣贊對立舍人復位合班躬奏閣門無事卷班而出皇帝

降座鳴鞭還幄次知司進司官以下並卷班出三省樞

密院官並退舍人引進奉官殿門外謝如常儀

應進為官謂文

臣侍從官以上
武臣遙郡以上

皇帝會羣臣

前期殿中監帥其屬尚舍張設紫宸殿門之內設御座
於殿上當中南向尚醴設御酒器於御座之東尚食設
御茶牀於御座之西俱稍北有司請設羣官酒尊酒器
於殿下又設羣官座並如紫宸殿宴百官之儀其日羣

臣上禮畢俟諸司排當脩御史臺先引殿中侍御史一員入就位東上閣門御史臺分引三公以下文武官以次入詣殿庭東西相向立東上閣門附內侍進班齊牌皇帝出幄次鳴鞭先行門禁衛諸班親從迎駕奏聖躬萬福訖皇帝即御幄鳴鞭殿中監以下知同知入內侍省事知客省事以知內侍省事以下御器械官六尚局應奉官祇應武功大夫以下祇應諸司文臣闡班合奏聖躬萬福次管軍臣僚奏聖躬萬福各復侍立祇應位次

舍人引班首以下橫行北向並如紫宸殿宴立班之儀
班首奏聖躬萬福訖舍人贊各就座再拜舍人分引升
殿席前相向立朶殿兩廊官立于席後教方便以下通
班大起居看醞人謝升殿再拜訖內侍進御茶牀殿侍
酌酒訖知東上閣門官詣御座前躬奏班首以下姓名
進酒舍人分引殿上臣僚橫行北向贊再拜舍人引班
首稍前知東上閣門官接引詣御座東北向搢笏殿中
監奉盤盞授班首殿中少監受盞班首西向立殿中少

監以酒注於醢班首奉酒詣御前躬進訖少退虛跪興以盤授殿中監出笏知東上閣門官引退舍人接引復位贊再拜舍人引班首少前殿上臣僚席前相向立知東上閣門官接引班首詣御座東北向搢笏殿中監受盤捧詣御座前西向立樂作皇帝飲訖舍人引殿上臣僚橫行北向知東上閣門官引班首接璫訖少退跪興授殿中監出笏引退舍人接引復位贊再拜舍人贊各賜酒羣官俱再拜贊就座羣官俱立席後復贊羣官俱

坐酒初行羣官搢笏受酒訖先宰臣次百官皆作樂尚食

典御奉御進御食太官設羣臣食

此後准

皇帝再舉酒

自此並殿

中監少監進酒

羣官俱立席後樂作飲訖舍人贊就位復行羣

官酒皇帝三舉酒次行羣官酒並如第二之儀若宣示

璣即隨所向知東上閣門官以上揖稱宣示璣躬贊就

座若宣勸即立席後躬飲訖贊再拜內侍舉御茶牀舍

人引班首以下俱降階橫行北向再拜搢笏舞蹈又再

拜分班出次教坊使以下謝祇應再拜訖如賜祇應臣

僚茶酒並入逐班贊再拜東上閣門官側奏無事皇帝
降座鳴鞭

政和五禮新儀卷一百八十九

欽定四庫全書

政和五禮新儀卷一百九十

嘉禮

冊皇后儀四

皇后朝謁景靈宮

前一日有司於景靈東宮張大次於明福殿上

西宮即於潔誠

殿又於天興殿之東廊設幄東南西向又於殿東階之東西南設皇后褥位西向又於殿上設皇后褥位於香

案南北向及供奉之物如常儀又設內命婦妃嬪以下陪列位於殿庭之東外命婦陪列位於殿庭之西皆重行北向保寧閣天元大始皇武儷極大定輝德熙文衍慶美成繼仁治隆徽音景靈西宮大明坤元重光殿並如上儀訖又設內命婦妃嬪以下及外命婦並應奉官次於齊殿門內外量地之宜太僕寺陳重翟車於宣德門內偏東南向其日未明前二刻有司陳小駕鹵簿儀仗於重翟車左右以次排列外命婦先至景靈宮後門

入就次皇后未出宮前一刻內侍引命婦妃嬪以下俱

詣殿庭起居訖內侍奏請中嚴少頃又奏外辦皇后首

飾祿衣乘龍飾肩輿如常儀障以行出內東門

由宣祐門左銀臺門

左嘉肅門左長慶門入左升龍門內侍詣皇后肩輿前俛伏跪奏具官

臣某言請皇后降肩輿升重翟車奏訖俛伏興少退

凡內

侍奏請之儀准此馭者執綏皇后升重翟車內侍詣車前奏請

重翟車進發車進行出東偏門內命婦妃嬪以下自內

東門升階乘車由左掖門至宣德門外從皇后車至景

靈東宮昌福門

西宮即於昭德門

小駕鹵簿止於門外車入門

迴車南向內侍詣車前奏請皇后降車升肩輿皇后降車升肩輿入大次內命婦妃嬪以下並降車以入內侍引外命婦詣皇后大次前起居訖並先赴殿庭陪位少頃內侍前導皇后至天興殿幄次降簾又內侍詣幄次請皇后行朝謁之禮簾卷內侍前導皇后詣殿庭西向褥位立內侍奏請再拜皇后再拜內命婦妃嬪以下及外命婦皆再拜內侍前導皇后升殿東階詣聖祖天尊

大帝案前褥位北向立內侍奏請皇后上香再上香
三上香又奏請再拜皇后再拜內命婦妃嬪以下及外
命婦皆再拜內侍前導皇后還幄次降簾內侍詣幄次
前奏言禮畢次詣保寧閣天元大始皇武儷極大定輝
德殿朝謁如天興殿謁訖歸大次內侍詣大次前奏內
解嚴內外命婦皆還次少頃小駕鹵簿轉仗衛於還途
如來儀外命婦先退太僕進重翟車於昌福門內南向
內侍奏請中嚴少頃又奏外辦皇后乘肩輿以出至車

前內侍詣肩輿前奏請皇后降肩輿升重翟車皇后升車馭者執綏內侍詣車前奏請重翟車進發內命婦妃嬪以下升所乘車重翟車進行鼓吹振作前導車至宣德東偏門廻車南向內侍詣車前奏請皇后降車升肩輿皇后乘肩輿障以行帷由內東門還內內命婦妃嬪以下從入內侍奏請解嚴將士各還其所次日又朝見熙文衍慶美成繼仁治隆徽音殿並如天元殿之儀次日謁西宮朝謁大明坤元重光殿並如東宮之儀

政和五禮新儀卷一百九十

欽定四庫全書

政和五禮新儀卷一百九十一

嘉禮

冊皇后太子儀上

奏告

陳設

臨軒冊命

朝見皇后

謁太廟

謁別廟

皇后受羣臣賀

羣臣上禮

皇帝會羣臣

皇后受內外命婦賀

皇后會外命婦

皇太子受羣官賀

奏告

前期太史局擇日差官奏告昊天上帝皇地祇太廟別
廟太社太稷景靈西宮中太乙宮祈神觀醴泉上清儲
祥宮太清儲慶宮九成永安陵永昌陵永熙陵永定陵
永昭陵永厚陵永裕陵永泰陵並如常告之儀

陳設

前期殿中監帥其屬尚舍張設垂拱殿大慶殿門之內
設御座於大殿當中南向東西房於御座之左右稍北

東西閣於殿後之左右殿上前楹施簾設香案於丹墀
螭陛間大歲展宮架之樂於殿庭橫街之南協律郎舉
麾位於宮架西北東向大司樂押樂位於宮架之北北
向儀鸞司設皇太子次於大慶殿門外之東西向又設
文武百僚應行事官東宮官等次於大慶殿門外及朝
堂之内外又設冊寶幄次二於殿後東廂俱南向

前日
尚書

工部奉
冊寶進

其日尚輦陳輿輦於龍墀蔽扇於沙墀太僕陳

輅於庭玉輅在中金輅在東象輅次之革輅在其西木

輅次之玉輅次之玉輅稍前俱北向南輦列御馬於龍
墀在輿輦之後東西相向尚書兵部帥其屬設黃麾仗
于殿門之内外典儀設左輔承制位於御座之東西向
又設皇太子受冊位於殿庭橫街之南北向設權置冊
寶褥位二於近東稍北向西上冊在北寶在南又設皇
太子受冊位前東北西向設褥位一以俟右弼奉冊左
輔奉寶又于奉冊寶位之北設褥位一以俟左輔宣制
右弼讀冊應行事官位又於近北西向以北為上典儀

位於宮架東北贊者二人在南少退俱西向

臨軒冊命

其日質明闢大慶殿門文武百僚及應事官入就次服朝服大樂正帥樂工進入就位協律郎入就舉麾位大司樂入就押樂位典儀帥贊者先入就位東宮官自東宮導引皇太子至殿門外就位管勾內臣承旨降冊寶出垂拱殿禮部職掌以次捧舉至大慶殿後幄次以俟皇帝將出宮東上閣門引知樞密院事以下詣垂拱殿

立班如常儀東上閣門附內侍進班齊牌垂拱殿簾降
皇帝乘輦出至殿上少駐輦官迎駕自贊常起居宣輦
官上殿簾卷鳴鞭行門禁衛諸班親從迎駕自贊常起
居贊祇候先知內侍省事以下常起居次樞密院以下
通班常起居贊祇候引駕樞密知客省事以下並先退
管軍臣僚窄衣執杖子宣名常起居贊祇候引駕並分
左右前導駕輦降東階垂拱殿門外禁衛諸班親從自
贊常起居訖自大慶殿後管軍臣僚易朝服執杖於殿

階下分東西立武臣大夫至武翼郎分立於龍墀上敷
武郎至保義郎分立於沙墀並重行東西向皇帝降輦
入西閣前導官易朝服詣御座前分左右侍立知樞密
院簽書樞密知客省事以下至簽書東上閣門官在東
同知樞密院在西閣門舍人以下各詣兩朶殿上不當
祇應舍人並殿下西向立諸軍將校先入分立殿門內
左右內外符寶郎俱詣閣門奉迎御史臺引殿中侍御
史一員先入就位東上閣門御史臺太常寺四方館分

引三公以下文武百僚等入詣大慶殿庭立班東西相
向如正月朝會之儀禮直官引左輔右弼門下侍郎中
書侍郎及捧冊寶官並詣大慶殿後幄次前立少頃奉
冊寶出幄次捧冊寶出帥執事人等捧舉以行禮直官
通事舍人太常博士前引中書侍郎押冊右弼後從門
下侍郎押寶左輔後從援衛如儀由大慶殿東過至大
慶殿庭權置訖皇太子服遠遊冠朱明衣出次中允稍前
進桓圭皇太子執圭禮直官通事舍人太常博士禮儀

使引皇太子三師三少以下導從立於殿門外之東西

向

近侍量人數從入不應入者立於門外

禮直官通事舍人左輔版奏中

嚴少頃又奏外辦皇帝服通天冠絳紗袍簾卷大樂正

令撞黃鐘之鐘右五鐘皆應殿上鳴鞭禁衛諸班親從

自贊常起居皇帝出西閣乘輦協律郎跪俛伏舉麾興

工鼓祝奏乾安之樂

凡樂皆協律郎舉麾工鼓祝而後作偃麾憂敬而後止

禮直

官太常博士引禮儀使前導皇帝出自西房內侍承旨

索扇扇合皇帝降輦即御座簾捲內侍又贊扇扇開殿

下鳴鞭戛鼓樂止爐煙升禮直官太常博士禮儀使立於御座前稍東西向符寶郎奉入寶陳於御座之左右分立如儀禮直官通事舍人太常博士禮儀使引皇太子入門明安之樂作至位樂止三師三少以下從入

立於

皇太子位
東南西向

典儀曰再拜皇太子再拜搢笏舞蹈又再拜

班首奏聖躬萬福又再拜訖分班禮直官通事舍人太常博士禮儀使引皇太子復受冊位引左輔詣御座前承旨退降階詣宣制位稱有制典儀曰再拜贊者承傳

皇太子以下應在位官皆再拜左輔宣制曰冊某王為
皇太子皇太子以下又再拜左輔升復位禮直官通事
舍人太常博士引右弼詣讀冊位中書侍郎引冊案立
於右弼之右右弼搯笏捧冊跪讀訖興置於案典儀曰
再拜皇太子又再拜次引右弼詣奉冊位中書侍郎復
引冊案立於右弼之右右弼捧冊跪授皇太子皇太子
搯圭跪受冊訖以授右庶子俛伏興右庶子以冊置于
案

舉案者退
立於其後

右弼中書侍郎俱退復本位次引左輔詣

奉寶位門下侍郎引寶案立于左輔之右左輔捧寶跪授皇太子皇太子搢圭跪受寶訖以授左庶子俛伏興

右庶子以寶置於案

舉案者退立於後

左輔門下侍郎俱退復

本班典儀曰再拜皇太子再拜禮直官通事舍人太常博士禮儀使引皇太子退初行樂作中書舍人押冊寶以出皇太子出殿門樂止禮直官太常博士引禮儀使詣御座前俛伏跪奏禮儀使具官臣某言禮畢俛伏興復位內侍承旨索扇扇合簾降鳴鞭大樂正令撞蕤賓

之鍾左五鍾皆應協律郎跪俛伏舉麾興工鼓祝奏乾
安之樂皇帝降座入至東房還東閣侍衛如來儀內侍
又贊扇扇開憂啟樂止禮直官通事舍人引左輔版奏
解嚴所司承旨放仗應在位官俱再拜訖以次出

朝見皇后

皇太子受冊畢入內朝見皇后如宮中之儀

政和五禮新儀卷一百九十一

欽定四庫全書

政和五禮新儀卷一百九十二

嘉禮

冊皇太子儀中

謁太廟

前期太常寺下太史局擇日謁廟前一日宮闈令帥其屬清掃廟之內外有司於廟東神門外道北南向設皇太子幄次又於殿庭東階下近東西向及逐室戶內各

設皇太子褥位又於幄次之南道東西并南櫺星內外

門設東宮官次東宮官及應從官等各宿於本司

內執事官

宿於廟

其日質明東宮官應從官各服其服所司陳鹵簿

於東宮門外禮直官引左庶子詣內嚴右庶子負寶如式俱詣閣奉迎僕進金輅於閣外南向左右內率執刀立於輅前北向中允一人在近侍官之前贊者二人又在中允之前禮直官引左庶子言外脩僕攝衣而升正立執轡皇太子服遠遊冠朱明衣升輿以出左右侍衛

如常儀左庶子進詣輿前俛伏跪稱左庶子姓某言請

皇太子降輿升輅言訖俛伏興

凡左庶子有請並准此

皇太子降

輿升輅僕立授綏左庶子以下夾侍贊善進當輅前俛

伏跪稱贊善姓某言請進輅言訖俛伏興

凡贊善有請並准此

輅

動贊善與贊者夾引以出至侍官上馬所贊善請輅權

駐令侍官上馬左庶子前承令退稱曰令諸贊善退稱

內侍官上馬贊者承傳文武侍官皆上馬左庶子以下

夾侍於輅前侍官上馬畢贊善請進輅輅動東宮官以

下皆乘馬以從至太廟西櫺星門外廻輅南向禮直官引左庶子進當輅前請降輅皇太子降輅入幄次一刻頃禮直官引左庶子言外備皇太子服袞冕出次中允進圭皇太子執圭東宮官導從如儀入詣殿庭東階之東西向位立定東宮官分立於左右禮直官引率更令請再拜皇太子再拜訖禮直官引率更令前導皇太子升自西階詣僖祖室神位前北向立率更令請再拜皇太子再拜訖次詣翼祖宣祖太祖太宗真宗仁宗英宗

神宗哲宗室行禮如上儀訖降西階復西向位立禮直
官引率更令詣皇太子前跪稱率更令姓某言禮畢言
訖俛伏興前導皇太子出東神門外中允少前受圭前
引皇太子歸幄次更朝服有司轉仗衛於還途如來儀
僕進金輅於西櫺星門外南禮直官引左庶子言外備
皇太子出次至西櫺星門外升輅侍官上馬如來儀輅
動至東宮門外俱下馬入至閣前迴輅南向左庶子請
降輅皇太子降輅升輿入侍官從至閣左庶子請將士

各還本所

謁別廟

並如謁太廟之儀

皇帝受羣臣賀

其日質明文武百僚並常服早入就次皇帝將出宮讀
奏目官以下詣垂拱殿讀奏目官在殿庭之南宣贊引
班對立舍人在其南簿書官在舍人之西少絕覺察失
儀提點使臣在其南並北向

舍人以西為上簿書
官以下以東為上

宣贊

舍人立班前西向東上閣門附內侍進班齊牌皇帝出
宮守踏道行門禁衛諸班親從迎駕自贊常起居訖又
自贊賀再拜訖皇帝服鞞袍坐鳴鞭讀奏目官以下起
居訖

讀奏目官升
降自東階

班首出班致詞稱賀歸位再拜

如宣
答又

再

次知內侍省事以下次管軍臣僚各逐班先面西立

候班到橫行北向贊起居稱賀並如上儀次行門起居
稱賀再拜訖俟舍人南階下直身奏班絕皇帝降座鳴
鞭詣紫宸殿後幄排立諸班親從迎駕自贊常起居初

垂拱殿起居稱賀班將畢紫宸殿樞密以下大班入就位並如賀祥瑞立班之儀東上閣門附內侍進班齊牌皇帝御紫宸殿坐鳴鞭舍人揖樞密以下躬赴當殿通某官姓名以下起居稱賀復位贊樞密以下再拜搢笏舞蹈又再拜班首奏聖躬萬福又再拜訖班首出致詞稱賀復位又再拜搢笏舞蹈又再拜知東上閣門官當殿北向承旨訖西向稱有制樞密以下再拜宣答訖又再拜搢笏舞蹈又再拜訖鳴鞭樞密直學士自西階升

殿侍立知東上閣門官以下殿庭東西侍立餘官分

班出

宣贊舍人退近南當庭中立對立舍人西出

文武百僚及諸軍將校殿

門外序班立定知東上閣門官以下退立東階下次殿

中御史一員先入就位次兩省次上將軍以下分班入

舍人分引文武班入詣殿庭東西相向立

將校排列不盡者止殿門

外立班舍人揖班首以下躬宣贊舍人當殿通文武百僚

宰臣

三公通某官

姓名以下起居稱賀舍人揖班首以下橫

行北向

兩省及上將軍以下依舊立

並如賀祥瑞立班之儀次宣贊

舍人揖左班近前舍人自班後詣東階下立知東上閣
門官贊拜班首出班致詞稱賀復位樞密詣御座前承
旨退詣折檻東西向宣答以下再拜並如上儀訖知東

上閣門官揖宰相執政官升殿

並升自東階內中書侍郎升自西階樞密直學

士下

贊拜知東上閣門官還立引右班舍人由右班前

出餘官分出知引進司東上閣門官以下還侍立位宣
贊舍人復位次引進奉人如別儀

政和五禮新儀卷一百九十二

欽定四庫全書

政和五禮新儀卷一百九十三

嘉禮

冊皇太子儀下

羣臣上禮

其日引進司先以所進馬陳列於殿門外北向東上俟羣臣稱賀禮畢宣贊對立舍人稍南相內立天武自西牽馬陳於殿庭三分庭一在南北首東上列定天武起

居

牽馬者不拜

門下侍郎於折檻東西向立舍人當殿躬奏

某官姓名以下進奉訖復對立位門下侍郎曰進奉出還侍立位天武應答員寮引進奉從東側門出宣贊對立舍人復位合班躬奏閣門無事卷班西出皇帝降座鳴鞭還幄次知引進司官以下並卷班出三省樞密院官並退舍人引應進奉官殿門外謝如常儀

皇帝會羣臣

前期殿中並帥其屬尚舍張設紫宸殿門之內設御座

於殿上當下南向尚醴設御酒尊酒器於御座之東尚
食設御茶床於御座之西俱稍北有司設羣官酒尊酒
器於殿下又設羣官座並如紫宸殿宴百官之儀其日
羣臣上禮畢俟諸司排當備御史臺先引殿中侍御史
一員入就位東上閣門御史臺分引三公以下文武官
以次入詣殿庭東西相向立東上閣門附內侍進班齊
牌皇帝出幄次鳴鞭先行門禁衛詣班親從迎駕奏聖
躬萬福訖皇帝即御座鳴鞭殿中監以下知同知入內

省事知客省事以下知內侍省事以下帶御器械官六
尚應奉官祇應武功大夫以下祇應諸司文臣鬪班各
奏聖躬萬福次管軍臣僚奏聖躬萬福訖各復侍立祇
應位次舍人引班首以下橫行北上並如紫宸殿宴立
班之儀班首奏聖躬萬福訖舍人贊各就座再拜舍人
分引升殿席前相向立朶殿兩廊官立於席後教坊使
以下通班大起居次看醖人謝升殿再拜訖內侍進御
茶床殿侍酌酒訖知東上閣門官詣御座前躬奏班首

姓名以下進酒舍人分引殿上臣僚橫行北向贊再拜
舍人引班首稍前知東上閣門官引接詣御座前東北
向搢笏殿中監奉盤醴授班首殿中少監啟班首西向
立殿中少監以酒注於醴班首奉酒詣御座前躬進訖
少退虛跪興以盤授殿中監知東上閣門官引退舍人
接引復位贊再拜舍人引班首少前殿上臣僚席前相
向立知東上閣門官接引班首詣御座東北向搢笏殿
中監授盤捧詣御座前西向立樂作皇帝飲訖舍人分

引殿上臣僚橫行北向知東上閣門官引班首接醞訖
少退虛跪興殿中監出笏引退舍人接引復位贊再拜
舍人贊各賜酒羣官俱再拜贊就座羣官俱立席後復
贊就座羣官俱坐酒初行羣官搢笏受酒先宰臣次百
官皆作樂尚食典御奉御進御食太官設百官食後准此皇
帝再舉酒自此並殿中監少監進酒羣官俱立席後樂止飲訖舍人
贊就座復行羣官酒皇帝三舉酒次行羣官酒並如第
二之儀若宣示醞即隨所向知東上閣門官以下揖稱

宣示醢躬贊就位若宣勸即立席後躬飲訖贊再拜內侍
舉御茶牀舍人引班首以下俱降階橫行北向再拜搯
笏舞蹈又再拜分班出次教坊使以下謝祇應再拜訖
如賜祇應臣僚茶酒並舍人逐班贊再拜知東上閣門
官側奏無事皇帝降座鳴鞭

皇后受內外命婦賀

前一日有司於皇后所御之殿設皇后座於中間南向
又設東西房於座之左右稍北設東西閣於殿後之左

右設內命婦妃嬪以下次於殿之左右外命婦次於殿門之左右其日司贊設內命婦等稱賀位於殿庭道東重行北向西上又設外命婦稱賀位於殿庭之左右近南每等重行異位北向東上又設司贊位於東階東南典贊二人在南少退俱西向俟皇太子朝見禮畢司賓引內命婦以次進就北向立定司言引尚宮尚宮引皇后升南向座司贊曰再拜典贊承侍內命婦等皆再拜司賓引班首自西階升進當皇后座前北向跪致詞稱

賀皆自西階復位司贊曰再拜典贊承傳內命婦等皆再拜司言前承令降自西階詣內命婦前西北東向稱令旨內命婦等以下皆再拜宣令訖司贊曰再拜典贊承傳在位者皆再拜訖司賓以次司內命婦還宮內侍引外命婦出次至殿門司賓引詣北向立定司贊曰再拜典贊承傳外命婦皆再拜訖司賓引班首拜進稱賀復位宣令再拜皆如內命婦之儀內侍詣皇后前跪奏禮畢俛伏興皇后降座入自東房還東閣會外命婦如

別儀

皇后會外命婦

皇后受內外命婦賀禮訖俟諸司排當備內侍承旨宣外命婦入皇后常服出升南向座會外命婦並如宮中常儀會畢司賓引外命婦降自西階橫行北向立定司贊曰再拜典贊承傳在位者皆再拜訖以次出皇后降座還宮侍衛如來儀

皇太子受羣官賀

前一日有司於東宮門外量地之宜設三公以下文武羣官等次典儀設皇太子答拜褥位於階下南向又設文武羣官位於門之內外親王與宰相對立其餘宗室各隨本班其日禮直官舍人先引三公以下文武羣官皆以次就位羣官排列不盡者止於門外禮直官引左庶子詣皇太子前跪請內嚴少頃又跪言外備內侍褰簾皇太子常服出次左右侍衛如常儀內侍引皇太子降階詣南向褥位典儀曰再拜贊者承傳三公以下俱

再拜皇太子答拜班首稍前致詞稱賀訖少退復位典儀曰再拜三公以下俱再拜訖皇太子答拜禮直官引三公以下以次出內侍引皇太子升階還次侍衛如常儀少頃禮直官舍人又引知樞密院官以下入就位立定內侍引皇太子降階復詣南向褥位典儀曰再拜贊者承傳樞密以下俱再拜皇太子答拜班首少前致詞稱賀畢少退復位典儀曰再拜樞密以下俱再拜訖皇太子答拜禮直官引樞密以下以次出次引帥保賓客

等入就位立定典儀曰再拜贊者承傳師保賓客等俱再拜皇太子答拜班首少前致詞稱賀賀訖少退復位典儀曰再拜師保以下俱再拜訖皇太子答拜禮直官引師保以下依次出內侍引皇太子升座禮直官引東宮官左庶子以下入就位重行北向立定典儀曰再拜在位官俱再拜左庶子少前跪致詞稱賀賀訖俛伏興復位典儀曰再拜在位官皆再拜訖各就東西位立左右庶子少前跪言禮畢左右內侍降簾皇太子還宮左

右侍衛以次出並如常儀

政和五禮新儀卷一百九十三

欽定四庫全書

政和五禮新儀卷一百九十四

嘉禮

冊帝姬儀

陳設

發冊

受冊

陳設

前期儀鸞司設文武百僚次於朝堂之內外又於內東門外東廊設冊使副等次西向北上其日典儀設冊使副受制位於文德殿庭橫街之南北向東上又設知樞密院官宣制位於使副東北西向又設門下侍郎奉節位及右弼禮部侍郎奉冊印位於冊使東北西向又設權置冊印褥位二於橫街南黃道東稍北西向冊在北印在南

前一日尚書工部奉冊印進入

又於冊印褥位後各設使副褥

位又於冊使副受制位稍北設褥位一以俟冊使受冊

副使受印應行事官位又於近北西向北上又設冊使
奉冊位於內東門外副使及內給事位於其南並東向
北上設冊印案位於冊使之前又設內給事位於冊使
位之東北俱南向所司設帝姬受冊位於本位庭階下
北向又設內命婦位於本位門外並量地之宜

發冊

質明闢文德殿門文武百僚並常服早入就次禮直官
通事舍人引冊使副入立於文德殿門外道東西向門

下侍郎引掌節者奉節立於左嘉福門內道北禮直官
通事舍人太常博士分引右弼中書侍郎禮部侍郎禮
部郎中及冊印官等並詣垂拱殿門外分左右立以俟
內臣自內中承旨降冊印出其捧冊印官俱搢笏帥執事
人等捧舉以行禮直官通事舍人太常博士前引中書
侍郎押冊右弼後從禮部郎中押印禮部侍郎後從援
衛如儀由東上閣門出至文德殿庭權置援衛人少退御史
臺先引殿中侍御史一員入就位東上閣門御史太常

寺四方館分引三公以下文武百僚入詣殿庭立班東

西相向如月朔視朝之儀

內起居郎舍人立本省班東升朝官文臣承務郎以上位

於通直郎之東西向武臣保義郎以上位於修武郎之西東向知客省事以下位於防禦使之南海等重行異

位東向俱北上

禮直官通事舍人太常博士引冊使副入就受

制位立定禮直官又引知樞密院官詣冊使前稍東西

向稱有制典儀曰再拜贊者承傳冊使以下在位官皆

再拜知樞密院官宣制曰皇帝幾女封某號帝姬命公

等持節展禮宣制訖冊使副再拜如樞密院官退復位

門下侍郎帥掌節者脫節衣詣冊使之右掌節者以節授門下侍郎掌節者退門下侍郎西向以節授冊使冊使跪受以授掌節者掌節者立於冊使之左門下侍郎退次引冊使詣受冊褥位立定又引右弼詣冊使東北西向立中書侍郎引冊案立於右弼之右右弼跪取冊以授冊使冊使跪受訖興收置於案

舉案者退立於後

冊使右

弼中書侍郎俱退復本班次引副使詣受印褥位立定又引禮部侍郎詣副使東西北向立禮部郎中引印案

立於禮部侍郎之右禮部侍郎跪取印以授副使副使

跪受訖興收置於案

舉案者退立於後

副使禮部侍郎禮部郎

中俱退復本班立定典儀曰再拜贊者承傳冊使副以下應在位官皆再拜訖禮直官通事舍人太常博士引冊使押冊副使押印持節者前導援衛如儀出文德殿門文武百僚班退掌節者加節衣以次出朝堂門由左昇龍門入大慶殿門由殿西過至殿後門出由宣祐門至內東門權置冊印入內如別儀

受冊

其日自文德殿奉冊印將至內東門內給事入詣帝姬
本位庭前請帝姬服褕翟衣俟奉冊印至內東門外權
置訖奉冊印
官少退禮直官先引冊使副及內給事俱就東向
位立定少頃又引內給事進就南向位通事舍人太常
博士引冊使副就內給事前副使
稍却東向躬稱冊使姓某
副使姓某奉制授帝姬冊印退復位內給事又詣帝姬
本位庭前躬言訖內臣引內命婦等俱入就位內給事

進詣冊使前西向立冊使以冊跪授內給事內給事跪
受冊訖以授內謁者冊使退復位副使少前以印跪授
內給事內給事跪受印訖以授內謁者副使退復位內

謁者及管勾內官持冊印入內東門內給事從之

冊使
副并

行事官
並退

以次入詣帝姬請降庭中就受冊位立定內給

事跪取冊印進立於帝姬之右少前西向又內給事一

員進立於帝姬之左少前東向內給事稱有制贊帝姬

再拜訖內給事捧冊授帝姬帝姬受以授內給事內給

事捧印授帝姬帝姬受以授內給事如奉冊之儀內給
事贊帝姬再拜帝姬再拜訖內給事前引帝姬升階內
臣以次引內命婦賀如常儀內給事贊言禮畢內命婦
退內給事引帝姬謝並如宮中之儀

政和五禮新儀卷一百九十四

欽定四庫全書

政和五禮新儀卷一百九十五

嘉禮

冊內命婦儀

陳設

發冊

受冊

陳設

前期儀鸞司設文武百僚次於朝堂之内外又於內東門外東廊設冊使副等次西向北上其日典儀設冊使副受制位於文德殿庭橫街之南北向東上又設知樞密院官宣制位於使副東北西向又設門下侍郎奉節位及右弼禮部侍郎奉冊印位在冊使東北西向又設權置冊印褥位二於橫街南黃道東稍北西面冊在北印在南

前一月尚書土部奉冊印進入

又於冊印褥位後各設使副褥

位又於冊使副受制位稍北設褥位一以俟冊使受冊

副使受印應行事官位又於近北西向北上又設冊使
奉冊位於內東門外副使及內給事位於其南並東向
北上設冊印案位於冊使之前又設內給事位於冊使
位之東北俱南向所司設妃受冊位於本位庭階下北
向又設內命婦諸位次於本位門外並量地之宜

發冊

質明闢文德殿門文武百僚並常服早入就次禮直官
通事舍人引冊使副入立於文德殿門外道東西向門

下侍郎引掌節者奉節立於左嘉福門內道北禮直官
通事舍人太常博士分引右弼中書侍郎禮部侍郎禮
部郎中及捧冊印官等並詣垂拱殿門外分左右立以
俟內臣自內中承旨降冊印出其捧冊印官俱搢笏帥
執事人等捧舉以行禮直官通事舍人太常博士前引
中書侍郎押冊右弼後從禮部郎中押印禮部侍郎後
從援衛如儀由東上閣門出至文德殿庭權置援衛人少退
御史臺先引殿中御史一員入就位東上閣門御史臺

太常寺四方館分引三公以下文武百僚入詣殿庭立

班東西相向如月朔視朝之儀

凡起居郎舍人立本省班東升朝官文臣承務

郎以上位於通直郎之東西向武臣係義郎以上位於修武郎之西東向如客省事以下位於防禦使之南海等重行異位禮直官通事舍人太常博士引冊使副入

就受制位立定禮直官又引知樞密院官詣冊使前東

西向稱有制典儀曰再拜贊者承傳冊使以下在位官

皆再拜知樞密院官宣制曰某氏將封某妃

已有封者即云進封

令公等持節展禮宣制訖冊使副再拜知樞密院官退

位門下侍郎例掌節者脫節衣詣冊使之右掌節者以節授門下侍郎掌節者退門下侍郎西向以節授冊使冊使跪受以授掌節者掌節者立於冊使之左門下侍郎退次引冊使請受冊褥位立定又引右弼詣冊使東北西向立中書侍郎引冊案立於右弼之右右弼跪取冊授冊使冊使跪受訖興置於案

舉案者皆退立於後

冊使右弼中

書侍郎俱退復本班次引副使詣受印褥位立定又引禮部侍郎詣副使東北西向立禮部郎中引印案立於

禮部侍郎之右禮部侍郎跪取印以授副使副使跪受

訖興置於案

舉案者退立於後

副使禮部侍郎禮部郎中俱退

復本班立定典儀曰再拜贊者承傳冊使副以下應在
位官皆再拜訖禮直官通事舍人太常博士引冊使押
冊副使押印持節者前導授衛如儀出文德殿門文武
百僚班退掌節者加節衣以次出朝堂門由右昇龍門
入大慶殿門由殿西過至殿後門由宣祐門至內東門
權置冊印入內如別儀

受冊

其日自文德殿奉冊印將至內東門內給事入詣妃本位庭前請妃服褕翟衣俟奉冊印至內東門外權置訖

捧冊印官少退

禮直官先引冊使副及內給事俱就東向位立

定少頃又引內給事就南向位通事舍人太常博士引

冊使副就內給事前

副使稍却

東向躬稱冊使姓某副使姓

某奉制授某妃冊印退復位內給事入詣妃本位庭前躬言訖內臣引內命婦諸親俱入就位內給事進詣冊

使前西向立冊使以冊跪授內給事內給事跪受冊訖以授內謁者冊使退復位副使少前以印跪授內給事內給事跪受訖以授內謁者副使退復位內謁者及管勾內臣持冊印入內東門內給事從之冊使副并行事官並退以次入詣妃受冊印位前各置於案內給事引妃降詣庭中就受冊位立定內給事跪取冊印進立於妃之右少前西向又內給事中一員進立於妃之左少前東向內給事稱有制贊妃再拜妃再拜訖內給事捧

冊授妃妃受以授內給事內給事捧印授妃妃受印以授內給事如奉冊之儀內給事贊妃再拜妃再拜訖內給事前引妃升階內臣以次引內命婦諸親賀如常儀內給事贊言禮畢內命婦退內給事引妃謝並如宮中之儀

政和五禮新儀卷一百九十五

欽定四庫全書

政和五禮新儀卷一百九十六

嘉禮

文德殿宣制儀

其日俟東上閣門官押制書到東上閣門外置於案上
引贊官報宰臣催班知班先引殿中侍御史一員入殿
庭就位次引望參官以次入左散騎常侍在橫街南東
黃道之東給事中左諫議大夫在其東起居郎左司諫

符寶郎左正又在其東御史大夫在左散騎常侍之南
中丞在東其侍御史殿中侍御史監察御史又在其東
特進在御史大夫之南六曹尚書金紫銀青光祿榮祿
大夫在其東

與御史大夫班齊

次六曹侍郎開封尹至大司成

開封尹以下稍空

次太常卿至中大夫次殿中監少至中散大

夫次七寺少卿至奉直大夫次左右司員外郎至朝奉
大夫次六曹員外部至朝奉郎次太常丞至議丞郎次
開封知縣至奉議郎次太史局正至通直郎又在其東

太子三師在特進之南三少在其東次賓客詹事次左
右庶子以下又在其東每等各重行異位並西向北上
右散騎常侍在橫街南西黃道之西中書舍人右諫議
大夫在其西起居舍人右司諫右正言又在其西每等
各重行異位並東向北上引贊官引門下省宰臣立於
本省班南稍前
如宰臣不赴即門下侍郎入立於本省官之上東上閣門官引
制案當殿北向揖訖稍西東向立引贊官引宰臣於制
案前北向立搢笏跪閣門承受行首捧制授宰臣俛伏

興執笏捧制歸位措笏轉授通事舍人

宰臣不赴即門下侍郎受又不

赴即通事舍人受並如宰臣之儀

執笏捧制南向揖訖由東黃道赴宣

制右衛西南揖訖就位北向立措笏宣讀

若敕書德音或后妃親王

皇子帝姬制書俟舍人宣有制在位官各再拜宣訖再拜措笏舞蹈再拜

舍人執笏捧制措

笏授宰臣宰臣付有司百官以次退如班內有官除授

俟宣姓名引贊官引本位官北向立

東班官於宣制右東西班官於宣制

右再拜聽宣訖再拜措笏舞蹈再拜加息者引歸本班

出鎮罷相者引赴朝堂

政和五禮新儀卷一百九十六

欽定四庫全書

政和五禮新儀卷一百九十七

嘉禮

皇帝養老於太學儀

陳設

車駕詣太學

酌獻文宣王

養老

車駕還內

陳設

前期三日殿中監率其屬尚舍設大次於太學敦化堂之後儀鸞司設三老五更次於學堂南門外之西羣老次於其南皆東向又設文武百僚次文官於門外之東西向武官於羣老之南東向皆北上又設三公親王使相執政官以下次於國子監門外前一日尚舍設御幄於文宣王廟殿之東又設於敦化堂上當中間鋪御座

於帷中皆南向儀鸞司設三老座於西楹之東五更座
於其南設國老三人座於三老五更之後設衆國老座
於堂下西廡設庶老座於國老之後俱東向北上大晟陳
登歌之樂於堂上前楹間稍南北向設宮架樂於庭中
立舞表於鬱綴之間設典樂位於宮架之北大樂令位
於登歌樂虞之北協律郎位二一於堂上前楹間近西
稍南一於宮架之西北俱東向尚醢設酒尊於前楹之
北西向加元酒有坫以置爵尚食陳珍羞黍稷之屬尚

輦奉輿輦徹扇於堂下翰林設衆國老庶官酒器於西廡

車駕詣太學

前期殿中監帥其屬尚舍設御幄於大慶殿上前楹施簾儀鸞司設導駕官次於殿門之外大晟陳宮架之樂於宣德門外稍南北向所司陳法駕鹵簿於宣德門外其日未明二刻諸侍衛之官各服其器服乘黃令進金輅於宣德門內南向設千牛將軍一員位於輅前北

向門下侍郎一員位於左輔位之前贊者二人位又於其前尚輦陳平輦於垂拱殿庭文武百官俱就次各服其服通事舍人等自下分引知樞密院事以下詣垂拱殿庭立班東上閣門附內侍進班齊牌垂拱殿簾降皇帝乘輿出至殿上少駐輦官迎駕自贊常起居宣輦官上殿簾卷鳴鞭行門禁衛諸班親從迎駕自贊常起居次舍人先贊知內侍省官以下常起居次樞密以下通班常起居贊祇候引駕樞密知客省事以下至簽書東

上閣門官分左右立六尚局應奉官祇應通事大夫以下武功大夫以下並先退次管軍臣僚宣名常起居贊祇候引駕並分左右前導輦降東階垂拱殿門外禁衛諸班親從自贊常起居皇帝至大慶殿後閣降輿入西閣導駕官以下就次各易其服少頃東上閣門御史臺太常寺分引左輔門下侍郎太僕卿乘黃令詣大慶殿西階下立北向東上

乘黃令位其後

次引導駕官在其後分東

西相向立定以俟奉迎前導禮直官通事舍人引左輔

奏請中嚴

凡左輔門下侍郎奏請皆禮直官通事舍人引

少頃又奏外辦皇帝

服通天冠絳紗袍乘輿以出降自西階稱警蹕侍衛如

常儀宣贊舍人贊左輔以下常起居次導駕官常起居

已起居者止
奏聖躬萬福

太僕卿出詣金輅所攝衣而升正立執轡

導駕官前導皇帝出大慶殿門外至金輅所千牛將軍

前跪執轡左輔進當輿前俛伏跪奏左輔具官臣某言

請皇帝降輿升輅奏訖俛伏興退復位

凡左輔奏請准此

乘黃

令稍前東向進金輅皇帝降輿升輅太僕卿立授綏導

駕官分左右前導門下侍郎進當輅前俛伏跪奏門下

侍郎具官臣某言請車駕進發奏訖俛伏興退復位門凡

下侍郎奏請准此大樂正令撞黃鍾之鍾右五鍾皆應協律郎

跪俛伏舉麾興工鼓祝宮架奏采茨之樂

凡樂皆協律郎舉麾興工

鼓祝而後作僮麾曼鼓而後止

車駕動稱警蹕左輔先詣宣德門內以

俟門下侍郎及贊者夾侍以出千牛將軍夾輅而趨車

駕將及宣德門至侍臣上馬所門下侍郎奏請車駕少

駐勅侍臣上馬左輔前承旨退稱曰制可門下侍郎傳

制稱侍臣上馬贊者承傳勅侍臣上馬諸侍衛之官各
督其屬左右翊駕在黃麾內符寶郎奉八寶前導殿中
監後部從導駕官夾侍於前贊者在左輔門下侍郎之
前侍臣上馬畢門下侍郎奏請車駕進發車駕動稱警
蹕樂止鼓吹振作法駕鹵簿前導詣太學車駕將至學
東上閣門御史臺太常寺客省四方館分引文武官宗
室客使禮部祠部郎官太常寺國子監太學官并諸生
俱詣門外立班再拜奉迎訖退

內已起居者止
奏聖躬萬福

車駕及

欽定四庫全書

通志卷一百九十七

門少駐文武侍臣皆下馬導駕官步導入門車駕動千牛將軍夾輅而趨至廟門外回輅南向導駕官分左右立千牛將軍立於輅右左輔奏請皇帝降輅乘輿尚輦奉御進輿於輅後皇帝降輅乘輿以入侍衛如常儀通事舍人承旨勅羣官各還次以俟

酌獻文宣王

前期太常寺設祭器於文宣王神像前光祿實之左一

籩

實以鹿脯

右一豆

實以鹿鵲

爵一在籩豆前犧尊一在殿上前

楹間

實以供
內法酒

香爐一在神像前又設配享十哲及兩廡

從祀位各左一籩

實以
鹿脯

右一豆

實以
鹿鶩

爵一在籩豆前象

尊四一於殿上前楹之東一於前楹之西二分於兩廡

之北

俱實以祠
祭法酒

皆有坵設良醞令位於文宣王酌尊所

北向其日皇帝既歸御幄禮直官太常博士太常卿立

於幄前東向禮直官通事舍人引三公宰臣親王使相

執政官御史臺東上閣門引尚書侍郎以下文武官各

朝服入詣殿下位

如陪
祠班

引左輔奏請中嚴少頃又奏外

辦太常卿詣御幄前俛伏跪奏太常卿臣某言請皇帝
行酌獻之禮奏訖俛伏興簾捲禮直官太常博士太常
卿前導皇帝出幄升自東階詣文宣王神像前太常卿
奏請皇帝跪又奏上香再上香三上香侍臣親爵詣酒
尊所良醞令酌酒以授侍臣侍臣跪以爵酒進皇帝受
爵三祭酒奠爵俛伏興太常卿奏請再拜皇帝再拜贊
者承傳在位官皆再拜太常卿前導皇帝降自東階歸
御幄簾降太常卿詣御幄前跪奏禮畢簾捲皇帝出幄

乘輦詣太學如別儀禮部祠部郎官太常丞博士及國子監太學官分詣殿上配享十哲及兩廡從祀位分奠如常儀

養老

其日車駕初出宮量時刻遣中使迎三老五更於其第三老五更朝服俱乘安車前後導從至學門下車就次國老庶老有司預戒之各服朝服皆集於其次皇帝既謁至聖文宣王畢大樂正帥工人二舞人立於庭東上

閣門御史臺太常寺客省四方館自下分別文武官僚

宗室客使學生等以次入就位

如視學班

太常博士贊三老

五更俱出次引立於學堂南門外之西東向北上奉禮
郎先贊國老次庶老並出次引立於三老五更之後重
行異位禮直舍人引左輔奏請中嚴少頃又奏外辦皇
帝服通天冠絳紗袍出大次侍衛如常儀太常卿太常
博士禮直官前導皇帝將出太樂正令撞黃鍾之鐘右
五鐘皆應協律郎跪俛伏舉麾興宮架乾安之樂作皇

帝即御座南向樂止典儀曰再拜在位官皆再拜三老五更皆杖而入各左右二人夾扶太常博士前引叟執筆以從三老入門宮架和安之樂作至宮架北北向立以東為上奉禮郎引羣老隨入位於其後立定樂止太常博士揖進三老在前五更在後仍杖夾扶如初宮架和安之樂作至西階下樂止太常博士揖三老五更升自西階國老衆國老庶老是於堂下三老五更至堂上當御座前北向躬揖羣老揖於堂下皇帝為興次奉禮

郎揖國老升堂太常博士引三老五更奉禮郎引國老
以下各於席後立典儀贊各就坐贊者承傳宮架尊安
之樂作三老五更以下俱就坐三公授几九卿正履殿
中監尚食奉御進珍羞及黍稷等先詣御座前進呈遂
設於三老之前樂止次尚食奉御詣三老座前執醬而
饋訖尚醢奉御詣酒尊所取爵酌酒奉御執爵奉於三
老次太官良醢令以次進珍羞酒食於五更國老庶老
之前國老庶老等皆食大樂正引工人升登歌奏惠安

之樂三終史臣執筆錄三老所論善言善行事終宮架
作申安之樂獻言成福之舞既畢文舞退作受成告功
之舞既畢三老以下降筵太常博士引三老五更於堂
上當御座前奉禮郎引羣老復堂下位俱北向躬揖皇
帝為興三老五更降階至堂下宮架和安之樂作出門
樂止引左輔前奉禮畢退復位典儀曰拜贊者承傳在
位者皆再拜皇帝降座太常卿前導皇帝還大次文武
百僚客使學生等以次退三老五更升安車導從而還

明日詣闕表謝

車駕還內

前期殿中監帥其屬尚舍設御幄於大慶門外之東南向其養老禮畢皇帝既還大次所司轉仗衛鹵簿於還途如來儀文武百僚宗室客使並先詣宣德門外就次以俟立班奉迎乘黃令進金輅於廟門外南向千牛將軍一員執長刀立於輅前尚輦奉御進輿於學堂前導駕官俱詣學堂西階下奉迎左輔奏請中嚴少頃又奏

外辦簾捲皇帝服通天冠絳紗袍乘輿以出應導駕官等並迎駕奏聖躬萬福訖步道出門太僕卿先詣金輅所攝衣而升正立執轡皇帝乘輿降自西階至金輅所

左輔奏請皇帝降輿乘輅

有司仍具大輦若乘輦即奏云降輿乘輦

太僕卿

立授綏千牛將軍馭駕如來儀門下侍郎奏請車駕進發車駕動稱警蹕侍衛如儀行至侍臣上馬所門下侍郎奏請車駕少駐勅侍臣上馬左輔前承旨退稱曰制可門下侍郎傳制稱侍臣上馬贊者承傳勅侍臣上馬

門下侍郎奏請車駕進發車駕動稱警蹕鼓吹及諸軍樂振作車駕將至宣德門文武百僚俱詣門外立班再拜奉迎車駕將至宣德門外少駐文武侍臣皆下馬步道千牛將軍降立於輅右車駕動千牛將軍夾輅而趨大樂正令撞蕤賓之鐘右五鐘皆應宮架奏采茨之樂車駕至御幄前樂止左輔奏請皇帝降輅乘輿

若乘輦即奏云

降輅乘輦

皇帝降輅乘輿以至大慶殿後閣左輔奏解嚴通

事舍人承旨勅羣官各還將士各還其所

政和五禮新儀卷一百九十七

欽定四庫全書

政和五禮新儀卷一百九十八

嘉禮

皇帝宴射儀

陳設

宴射

陳設

殿中監前期帥其屬尚舍陳設射殿設御位於殿中間

尚醞設御酒尊酒器於御座之左尚食設御茶牀於御

座之右

俱稍却

有司設羣官酒尊酒器於殿下又設羣官

座三公三少左輔右弼太宰少宰在御座之左稍前知

樞密院事門下中書侍郎尚書左右丞同知簽書樞密

院事在其後次特進觀文殿大學士太子三少觀文殿

學士資政殿大學士六曹尚書金紫銀青光祿大夫光

祿大夫翰林學士承旨翰林學士資政端明殿學士閣

學士左右散騎常侍三少以下稍却尚書以下又稍却

次開封尹六曹侍郎直學士次宣奉正奉正議通奉大
夫殿中監大司成太子賓客詹事給事中中書舍人通
議大夫左右諫議大夫侍制太中大夫太常卿大司樂
宗正卿次秘書監起居郎舍人

常日
即當

侍御史又在其後

太子三師在簽書樞密院事之左御史大夫在散騎常

侍之左中丞在直學士之左

各少
空

親王使相在御座之

右稍前

使相
稍

太尉在其後次節度使次節度觀察留後

觀察使次防禦團練使刺史駙馬都尉又在其後左右

金吾衛左右衛諸衛上將軍在節度使之右

少空諸衛上將軍稍

却

宴射

其日射殿諸司排當脩三公親王以下與燕射宣詣殿下相向立班次同知知內侍省事帶御器械官殿中省官六尚局應奉官祇應武功大夫以下祇應諸司文臣闕班立

侍燕官公服繫射官袞衣

立定東上閣門附內侍奏班齊皇

帝出閣門禁衛諸班親從迎駕奏聖躬萬福皇帝即御

座鳴鞭知同知入內侍省事帶御器械官殿中省官六

尚局應奉官祇應武功大夫以下祇應諸司文臣奏聖

躬萬福訖各侍立祇應位次舍人分引與宴射官橫行

奏聖躬萬福

未起居者別班常起居

贊各就座再拜分引升殿各

立席後次招箭班自贊常起居次教坊使以下通班常

起居

已起居者止奏聖躬萬福以
上如賜花逐班謝花再拜

次看醞人謝升殿次

內侍進御茶牀殿侍酌酒訖舍人贊就座羣官俱坐將

進酒舍人揖稱進酒羣官各立席後尚醞典御捧盤醞

奉御以酒注於醴班首奉酒請御座前躬進訖樂作皇

帝飲訖典御受醴退舍人贊就座羣官俱坐次行羣官

酒先宰臣次百官樂作

後准此

飲訖尚食進食太官令設

羣官食

後准此如賜祇應臣僚酒食並內侍贊如儀若別殿已賜更不賜

酒三行舉御

茶牀羣官興諸司收座物等次引射官降階執弓矢謝

恩再拜

如階庭窄即階上凡謝者准此

三公以下在右射官在左

不射者依

生次分立

皇帝初射中舍人贊拜凡左右祇應臣僚並階上

下再拜

唯內侍免拜

行門禁衛諸班親從諸班祇應入並自

贊再拜

下准此

招箭班殿上射奏訖跪進梳

射官先傳弓箭與殿侍且

側立內侍接梳訖拜起降階再拜有司進御茶牀文武引

進奉馬列射梁前員僚奏聖躬萬福東上閣門官詣御座前躬奏班首姓名以下進酒班首以下橫行立定贊再拜舍人引班首稍前東上閣門官接引詣御座前之左尚醞典御奉盤醖授班首奉御啟醖以酒注於醖班首奉酒詣御座前躬進訖少退虛跪興以盤授典御東上閣門官引退舍人接引復位贊再拜引進司官奏進

奉揖班首以下躬贊再拜舍人引班首稍前殿上臣僚
席前相向立東上閣門官接引班首詣御座之左典御
授盤捧詣御前西向立樂作皇帝飲訖舍人分引殿
上臣僚橫行立定東上閣門官引班首接訖少退虛跪
興以授典御引退舍人接引復位

諸司復收
座物等

贊再拜引

進司宣進奉收贊再拜舍人贊各賜酒羣官俱再拜贊
各就座羣官皆立席後引進司官臨階宣進奉出天武
奉馬以出樂合復贊就座羣官俱坐飲訖揖興侍立諸

司復收座物等

射官左側臨階取弓箭侍立

皇帝再射中中心或雙

中如上儀

進酒臨時取旨如得旨進酒更不進奉中偏梳及鮮中更不賀

不進酒臣僚

射中引降階再拜訖殿下側立御箭解中招箭班進梳

如上儀舍人再引射中官當殿揖躬奏有勅賜窄衣金

帶

如今賜散馬即同宣賜

跪受箱過再拜過殿側服所賜訖再引

當殿再拜更不射

如宣再射又引當殿再舍射殿依次序射訖或更賜箭令射如未退即就

位再拜如再射中御箭再解中賜鞍轡馬如上儀

臣僚射中御箭不解引降階

再拜且立招箭班殿上躬奏訖下殿舍人宣有勅賜銀

梳跪受執梳并箭就拜起再拜

如合賜散馬即同宣賜宜有勅賜銀梳兼賜散

馬若干匹

射訖進御茶牀諸司復陳座物等羣官各立席後

贊就座羣官俱坐酒五行

宣示醖宣勸如儀

皆樂作宴畢內侍

舉御茶牀三公親王以下降階再拜退皇帝降座鳴鞭如宣別殿賜宴如常儀

政和五禮新儀卷一百九十八

欽定四庫全書

政和五禮新儀卷一百九十九

嘉禮

集英殿春秋大宴儀

陳設

大宴

陳設

前期殿中監帥其屬尚舍張設集英殿門之內設御座

於殿上當中南向尚醞設御酒尊酒器於御座之東尚
食設御茶牀於御座之西俱稍北有司設羣官酒尊酒
器於殿下三公三少左輔右弼太宰少宰在御座之東
稍南門下中書侍郎尚書左右丞在其東次特進觀文
殿大學士太子三少觀文殿學士資政殿學士六曹尚
書金紫銀青光祿大夫光祿大夫翰林學士承旨翰林
學士資政端明殿學士左右散騎常侍

三少以下稍却
尚書以下又稍

却次開封尹六曹侍郎直學士次宣奉正奉正議通奉

大夫大司成太子賓客詹事給事中中書舍人通議大夫左右諫議大夫待御太中大夫太常卿大司樂宗正卿次廂都指揮使軍都指揮使又在其東太子三師在右丞之南中丞在直學士之南

各少空

並西向北上親王

使相在御座之西稍南

使相稍却

樞密在西次節度使次節

度觀察留後觀察使次廂都指揮使軍都指揮使又在其西太尉在樞密之南左右金吾衛左右衛諸衛上將

軍在節度使之南

諸衛上將軍稍却

防禦團練使刺使在軍都

指揮使之南

各少空

並東向北上秘書監以下在東朶殿

都虞候在其東並西向北上宗室遥郡團練使以上及

外官大將軍以下在西朶殿都虞候在其西並東向北

上餘與宴百官在東廊諸軍將校在西廊

在東廊者位於百官之南

若大遼人使在闕郎諸軍副指揮使以上座

並東西相向北上

大遼夏國高麗交州使副

及諸番國首領在闕即大遼使副在上將軍之南大遼使位次節度使位稍却副使又稍却夏國副使位在東朶殿南楹間高麗交州使副在西朶殿夏國人從在東廊將校之南舍利人從在西廊將校之南高麗交州人從及諸番首領又在其南各少空

大宴

其日設中監以下知同知入內侍省事知客省事以下六尚局官樞密都承旨以下在內監臨并祇應通事大夫以下武功大夫以下祇應諸司文臣鐘鼓院管勾官於殿庭北向立班次御史臺先引殿中侍御史一員先入就位次東上閣門御史臺分引與宴文武百僚入詣殿庭東西相向立東上閣門附內侍進班齊牌皇帝出宮需雲殿排立親從迎駕自贊常起居皇帝御需雲

殿鳴鞭讀奏目東上閣門官贊喝引班舍人簿書官並
當覺察失儀提點承受六尚局應奉官次知內侍省以

下帶御器械官內侍武功大夫以下寄班祇候

帶御器械
器官窄

衣餘公
服繫鞵

次官軍臣僚新舊城巡檢軍都指揮使以上起

居訖出次殿前前指揮使左班次貯廊西殿前指揮使
右班并排立親從並常起居皇帝降座鳴鞭詣集英殿
禁衛諸班并行門親從托食天武迎駕自贊常起居皇
帝御集英殿鳴鞭殿中監以下通班起居殿中監少監

升殿侍立并通喚東上閣門官升殿知客省事以下殿

下立

攝左在軍運使鞵旁起居訖紫鞵執杖子侍立餘非應奉官分出

次鐘鼓樓節級

就位四拜起居次舍人通喚訖分引羣官橫行北上三

公三少左輔右弼太宰少宰在殿階之南稍東門下中

書侍郎尚書左右丞在其南次特進次六曹尚書至光

祿大夫次六曹侍郎開封尹至大司成

開封府尹以下少室

次太

常卿至中大夫次七寺卿至中散大夫次七寺少卿至

奉直大夫次左右司員外郎至朝奉大夫次六曹諸司

員外郎至朝奉郎太常丞至承議郎次開封府知縣至奉議郎次太史局正至通直郎又在其南觀文殿大學士學士資政殿大學士翰林學士承旨翰林學士資政端明殿學士閣學士在光祿大夫之東

資政殿大學士以上稍前觀文

殿大學士又稍前

直學士在其南侍制又在其南御史大夫在

閣學士之東御史中丞在其南侍御史殿中侍御史監察御史又在其南左右散騎常侍在御史大夫之東給事中中書舍人左右諫議大夫在其南起居郎舍人左右

司諫符寶郎左右正言又在其南太子三師在散騎常

侍之南

與執政
官班齊

太子三少在其南次賓客詹事次左右

庶子以下又在其南每等各重行異位並北向西上親

王使相在殿階之南稍西

使相
稍却

同知簽書樞密院事

在其南次太尉次節度使次節度觀察留後觀察使次

防禦使次團練使次刺史次宗遙郡防禦使次宗室遙

郡團練使又在其南左右金吾衛左右衛諸上將軍在

節度使之西

諸衛上將
軍稍却

大將軍在其南次將軍次率府

次率府副率又在其南每等各重行異位並北向東上

諸軍將校在百官後

大遼人使在闕即諸軍副指揮使以上立班

分東西北

向

大遼夏國高麗交州使副及諸蕃首領在闕即大遼使副位在上將軍之西副使稍却夏國副使在文武

官之南高麗交州副使在武官之南夏國高麗交州人從并諸蕃首領在諸軍將校之南東上閣門

官贊大起居班首出班俛伏跪致詞訖俛伏興復位羣

官再拜搢笏舞蹈又再拜贊各就位再拜舍人分引升

殿席前相向立朶殿兩廊官立於席後

大遼人使在闕舍人傳事引大

遼舍利俱入大起居贊各就座贊再拜贊就座引升西廊次舍人侍事引從人分入四拜起居謝座並同舍利

使教坊使以下通班大起居看醖入謝升殿再拜內侍

進御茶牀殿侍酌酒訖次贊天武門外祇候東上閣門
官詣御座前躬奏班首姓名以下進酒舍人分引殿上
臣僚橫行北向贊再拜舍人引班首稍前東上閣門官
接引詣御座東北向措笏殿中監奉盤琖授班首殿中
少監啓琖班首西向立殿中少監以酒注於琖班首西
向奉酒詣御座前躬進訖少退虛跪興以盤授殿中監
出笏東上閣門官引退舍人接引復位贊再拜舍人引

班首稍前殿上臣僚席前相向立東上閣門官接引詣御座東北向搢笏殿中監授盤捧詣御座前西向立樂作皇帝飲訖舍人分引殿上臣僚橫行北向東上閣門官引班首接醞訖少退虛跪興殿中監出笏引退舍人接引復位贊再拜舍人贊各賜酒羣官俱再拜贊各就位羣官皆立席後復贊就座羣官俱坐酒初行羣官搢笏受酒先宰臣次百官皆作樂

後准此

皇帝再舉酒

自此並殿

中監少監進酒

羣官俱立席後

凡舉御酒准此

樂作飲訖舍人贊各就

座復行羣官酒皇帝三舉酒如第二之儀尚食典御奉御

進食大官令設羣官食

後准此

樂作賜祇應臣僚酒食先

管軍次殿中監以下知客省事以下知內侍省事以下

帶御器械官六尚局應奉官樞密都承旨以下祇應武

功大夫以下祇應諸司文臣並內寺逐班贊謝酒食拜

訖各復位皇帝四舉

自此並與御進酒

樂工前致語初致語羣

官俱立席後致語訖贊拜百官皆再拜贊就座樂合皇

帝五舉酒樂工殿上奏樂庭下舞隊前致詞樂作舞隊

出東上閣門官奏再座時刻俟放隊訖內侍舉御茶牀
皇帝降座鳴鞭羣官退賜花有差再座前二刻御史臺
東上閣門催班羣官戴花北向立定東上閣門附內侍

進班齊牌

知內侍省事以下並帶御器械官先於需雲
殿起駕奏聖躬萬福自贊謝花再拜復殿前

指揮使親從迎駕奏聖
躬萬福自贊謝花再拜

皇帝詣集英殿行門禁衛諸班

親從迎駕奏聖躬萬福自贊謝花再拜皇帝即御座殿
中監以下知客省事以下六尚局應奉官樞密都承旨
以下祇應武功大夫以下祇應諸司文臣立大班前奏

聖躬萬福訖各復侍立祇應位次赴宴官奏聖躬萬福

贊謝花再拜

餘謝花
准此

又贊各就坐舍人分引升殿席後

相向立朵殿兩廊官立於席後

大遼人使在闕次舍利
次從人並面向人贊謝

花再拜贊各就位再
拜贊就座升西廊

次管軍臣僚奏聖躬萬福謝花次

殿中監以下知客省事以下六尚局應奏官樞密都承

旨以下祇應武功大夫以下祇應詣司文臣謝花次教

坊使以下奏聖躬萬福自贊謝花內侍進御茶牀皇帝

舉酒樂工殿上奏樂庭下作樂皇帝再舉酒樂工殿上

奏樂庭下舞隊前致詞樂作舞隊出皇帝三舉酒樂作
皇帝四舉酒如上儀若宣示璣即隨所向東上閣門官
以下進稱宣示璣躬贊就座若宣勸即立席後躬飲訖
贊再拜內侍舉御茶牀舍人引班首以下降階橫行北
向再拜搢笏舞蹈又再拜訖分班出
大遼人使在闕次
舍利次從人降階
再拜並
西出次教坊使以下謝祇應並再拜教坊使以下謝
恩又再拜如賜茶酒殿中監以下知客省事以下知內
侍省事以下帶御器械官六尚局應奉官樞密都承旨

以下祇應武功大夫以下祇應諸司文臣行門禁衛諸

班親從教坊等逐班贊謝茶酒再拜

教坊以下起居並宴畢謝祇應謝恩

並舍人贊餘祇應作樂謝恩並教坊使副贊

東上閣門官殿上側奏無事皇

帝降座鳴鞭

政和五禮新儀卷一百九十九